

LXXVI.

Befreiung der Stadt Feldkirch von fremden Gerichten.

Innsbruck am 6. April 1442.

Wir Fridrich ze Bekennen ze daz für vns komen ist vnser getrewn des Ammans vnd Rats vnsrer Stat zu Veldkirch erbere botschafft vnd hat vns zu erkennen geben wie Sy vnd Ir Burger vnd Burgen gemaineklich vnd insunderhait, manickuellich vnd vast, mit fremden Gerichten beswert, beladen vmbgezogen vnd bekümmert werden, In vnd den Iren zu verderblichem schaden vber das, daz Sy dafür von vnsern vorfaren loblicher gedechtnus gefreyet sein vnd haben vns diemuelich bitten lassen Sy hiryne gnedlich zu versehen haben wir angesehen der obgenanten von Veldkirch fleissige bete ouch true vnd willige dinste die Sy vns vnd dem Reich, auch dem Haus Osterreich williclich getan haben teglichen tun vnd furbas tun sollen vnd mogen in künfftigen ziten, vnd haben darumb den obgenanten von Veldkirch dise besondere gnad getan, vnd tun In die wissent von Römisch kuniglicher macht, in crafft diss brieues daz nyemanden welichen wir den oder wesen der ist oder sind die obgenant von Veldkirch gemain Stat noch Ir burger oder Ir Burgen gemainlich oder Ir ainen oder mer insunderhait furbas auf dhaine fremde gericht es sey hofgericht, oder andere gericht nicht fürfodern heischen noch laden sollen noch mogen vmb dhainerlay sach Sunder wer zu In vnd den Iren zusprechen hat, oder gewynnet, der oder die sollen von In Recht nemen, nach Ir frihait sage, wo aber ichts darrüber beschehe von wem, oder wem das were, das soll dhain krafft noch macht haben noch In vnd den Iren keinen schaden bringen So mogen oder sollen Sy auch solich gericht allwege dannen ziehen an die ennd vnd stete, ouch nach Ir friheit lut vnd sage, vnd diser vnser gnaden sollen Sy geprauchten biss auf vnser verrer bestettnuss Ir frihait, oder vnser widerrufen Vnd darvmb so gebieten wir allermenelich in welchem wesen werden oder stat der ist oder sind von Römisch kuniglicher macht ernstlich vnd vestlich mit disem brief, daz Sy die obgenant von Veldkirch noch die Iren an diser vnser gnad nicht hindern oder Irren Sonder Sy biss auf solich obgenant vnser verrer bestettnuss oder widerrufen gerublich geprauchten lassen, dabey